



Vischnaunca Lumnezia

**Uorden da scola**  
per la vischnaunca Lumnezia

## Cuntegn

I.	Disposiziuns generalas	3
II.	Persunas d'instrucziun	4
III.	Direcziun da scola	4
IV.	Cussegl da scola	4
V.	Via legala	5
VI.	Disposiziun finala	6

## Uorden da scola per la vischnaunca Lumnezia

dils 7 da zercladur 2013

La radunonza communal,

sebasond sin l'art. 20 dalla Lescha davart las scolas popularas dil cantun Grischun (lescha da scola) dils 21 da mars 2012, ch'entra en vigur igl 1. d'uost 2013, sco era sefundond sin la constituziun communal

concluda:

### I. Disposiziuns generalas

#### Art. 1

<sup>1</sup> La vischnaunca Lumnezia meina ils suandonts scalems da scola:

- a) scalem da scoletta
- b) scalem primar
- c) scalem secundar I

<sup>2</sup> La frequentaziun dalla scoletta ei obligatoria per affons da lungatg jester.

Scalems da scola

#### Art. 2

<sup>1</sup> L'obligaziun dad ir a scola, il liug da scola sco era la frequentaziun gratuita, sedrezzan tenor il dretg cantunal.

<sup>2</sup> Il menaschi da scola vegn mantenius els loghens d'instrucziun d'entochen dacheu a Vrin/Lumbrein, Vella e Cuschnaus, aschiditg ch'il diember da scolars lubescha, q. v. d. aschiditg ch'il diember sutapassa buca 5 scolarets e buca 15 scolars per plirs onns.

<sup>3</sup> Davart eventualas midadas dil liug da scola per singuls scolars decida il cussegl da scola.

Obligaziun dad ir a scola, liug da scola, frequentaziun gratuita

#### Art. 3

La vischnaunca garantescha las uras da bloc prescettas dil cantun sil scalem da scoletta e sil scalem primar.

Uras da bloc

#### Art. 4

La vischnaunca porscha en cass da basegns structuradas dil di supplementaras.

Structuras dil di

#### Art. 5

<sup>1</sup> En cass da basegns sa la vischnaunca scaffir ulteriuras purschidas sco lavur sociala da scola ni purschidas da timeout.

<sup>2</sup> Sche necessari installeschan las instituziuns responsablas per la scola purschidas specialas per scolaras e scolars cun talents extraordinaris.

Purschidas supplementaras

#### Art. 6

Per ordinar e per realisar mesiras da pedagogia speciala sil sector sempel (niederschwelliger Bereich) ei la vischnaunca responsabla.

Purschida da pedagogia speciala

#### Art. 7

Il giudicament sco era la promoziun e la midada da scalem dallas scolaras e dils scolars vegnan fatgs tenor il dretg cantunal.

Giudicament, promoziun e midada dil scalem

## II. Persunas d'instrucziun

### Art. 8

Relaziun  
d'engaschament

<sup>1</sup> Las persunas d'instrucziun ein emploiadas dalla vischnaunca.

<sup>2</sup> Observond il dretg cantunal vegn la relaziun d'engaschament dallas persunas d'instrucziun francada en in contract dil dretg public.

## III. Direcziun da scola

### Art. 9

Direcziun da scola

La vischnaunca nominescha ina direcziun da scola.

## IV. Cussegl da scola

### Art. 10

Organisaziun

<sup>1</sup> Il cussegl da scola consista silmeins da tschun commembras ni commembers. El vegn menaus dalla presidenta ni dil president dil cussegl da scola. El seconstituescha sesez.

<sup>2</sup> Il cussegl da scola vegn convocaus dalla presidenta ni dil president aschi savens sco las fatschentas pretendan ni sch'ina commembra ni in commember pretenda quei.

<sup>3</sup> Eis ei indicau sa il cussegl da scola envidar allas sesidas ulteriuras persunas cun vusch consultativa.

Protocol

<sup>4</sup> Davart las tractandas sto vegnir scret in protocol.

### Art. 11

Habilitad da decider

Il cussegl da scola ei habels da decider sche dapli che la mesadad dallas commembras e dils commembers ein presents.

### Art. 12

Obligaziuns e  
cumpetenzas

<sup>1</sup> Il cussegl da scola meina e survigilescha la scola ed exequescha la legislaziun da scola cantunala e communal. El ademplescha tut las incumbensas sil sector dalla scola ch'ei in buc adossai ad in'otra autoritad ni ad in'otra instanza entras relaschs cantunals ni comunals.

<sup>2</sup> El ha cunzun l'incumbensa da

1. decider davart l'anticipaziun respectivamein davart la suspensiun dall'entschatta da scoletta e dalla scola (scalem primar);
2. decider davart la cuntinuaziun digl onn da scola en ina classa inferiura, sch'in affon ei surdumandaus;
3. decider davart il sursigilir ina classa;
4. decider davart purschidas supplementaras per affons da lungatg jester;
5. ordinar ed abolir mesiras da pedagogia speciala sil sector sempel;
6. excluder in affon dalla scola durant il temps da scola obligatori;
7. decider davart la relaschada anticipada d'in affon sil pli baul suenter otg onns da scola obligatoris;
8. decider davart la frequentaziun d'ulteriurs onns da scola suenter il temps da scola obligatori;
9. excluder in affon dalla scola durant il temps da scola postobligatori (nachobligatorisch);
10. decider davart la recepziun d'in affon d'in auter purtader da scola e fixar il daner da scola corrispudent;
11. far visetas da scola;

12. decider davart il diember da lecziuns annual proponius dalla direcziun da scola;
13. decider davart la repartiziun dalla classas e dils pensums;
14. lubir occurrenzas da scola e sport sco era dis e jamnas da project;
15. fixar las vacanzas – cun excepziun dallas vacanzas d'atun e da Nadal – en entelgientscha ed en coordinaziun cun il cussegl da scola dalla regiun sco era declarai occurrenzas da scola specialas sco obligatorias durant ils suentermiezdis libers ni las sondas;
16. approbar ils transports da scola. L'organisaziun surpranda la direcziun da scola;
17. relaschar in reglament davart absenzas e congedis;
18. relaschar in uorden disciplinar;
19. engaschar e relaschar las personas d'instrucziun, la direcziun da scola, il personal dil secretariat da scola, personal gidonter ed ulteriur personal da scola;
20. relaschar in carnet da duers per la direcziun da scola;
21. relaschar in reglament davart la formaziun supplementara e davart il congedi da formaziun supplementara dallas personas d'instrucziun e dalla direcziun da scola;
22. sancziunar cuntravenziuns enviers igl art. 68 dalla lescha da scola cantunala;
23. approbar il preventiv da scola annual per mauns dalla suprastanza communal;
24. impunder ils mieds concedi entras l'approbaziun dil preventiv sil sector dalla scola;
25. decider davart expensas unicas e buca previdas el preventiv entochen CHF 5'000.00 per cass;
26. eleger il dentist ni dentista e miedi ni miedia da scola;
27. relaschar ulteriurs reglaments ed uorden en stretg connex cul menaschi da scola.

### Art. 13

- <sup>1</sup> La presidenta respectivamein il president dil cussegl da scola representa il cussegl da scola anviars, prepara las fatschentas dil cussegl da scola e procura per l'execuziun dils conclus decidi.
- <sup>2</sup> En cass urgents che pertuccan il camp da cumpetenzas dil cussegl da scola prenda ella respectivamein et las mesiras necessarias. Tenor pussieivladad decida il cussegl da scola definitivamein en causa a caschun da sia proxima sesida.

l'pres di

## V. Via legala

### Art. 14

- <sup>1</sup> Encunter disposiziuns ed encunter decisziuns dallas personas d'instrucziun, dalla direcziun da scola e dalla presidenta respectivamein dil president dil cussegl da scola sa vegnir fatg recuors tier il cussegl da scola enteifer 10 dis.
- <sup>2</sup> Encunter disposiziuns ed encunter decisziuns dil cussegl da scola che pertuccan fatgs da scola sa vegnir fatg recuors tier il departament d'educaziun, cultura e protecziun dil ambient enteifer 10 dis, nun che la lescha cantunala da scola disponi enzelgei auter.
- <sup>3</sup> Encunter decisziuns d'assignaziun negativas ed encunter disposiziuns da buca promover respectivamein da promover sa vegnir fatg recuors tier igl uffeci per la scola populara e dil sport enteifer 10 dis. Igl uffeci sa preveder ina procedura spetsiala per giudicar il recuors.

Via legala

## VI. Disposiziun finala

### Art. 15

Vigur

Quei uorden da scola entra en vigur suenter l'approbaziun dil departament d'educaziun, cultura e protecziun digl ambient igl 1. d'uost 2013.

Approbau dalla radunonza communal Lumnezia, ils 7 da zercladur 2013.

Il president communal



Duri Blumenthal

Il canzlist communal



Marcus Cavegn

Approbaus dil departament tenor art. 14 dalla Ordinaziun tier la lescha da scola dils 25 da settember 2012 (DG 421.010)

Cuera, ils

**Approvada dal departament d'educaziun, cultura e protecziun da l'ambient tenor disposiziun dal departament dals 28.6.2013**

**Il schef:**

